



შირაკი

SHIRAKI

გამოცემის 1937 წლიდან
დედოფლისწყაროს მუნიციპალიტეტის გაზეთი

№20(10.028)
11-18 ივნისი 2022 წელი
ფასი: 60 თეთრი
ყოველკვირეული გამოცემა

როგორ შევქმნათ ენერგო ოჯახები?



სოფ. ფირსენი



სოფ. ზემო ქაღი

დედოფლისწყაროში ახალი პროექტი დაიწყო - „ინოვაციური მიდგომები - სათემო განახლებადი ენერჯის ოჯახები დედოფლისწყაროს მუნიციპალიტეტში“. დედოფლისწყაროს ადგილობრივი განვითარების ჯგუფის პროექტის ფარგლებში მიმდინარეობს საინფორმაციო შეხვედრები მუნიციპალიტეტის სამიზნე სოფლების მოსახლეობასთან. განახლებადი ენერჯის დანერგვისა და მისი გამოყენების შესაძლებლობას მოსახლეობა დიდი ინტერესით სვამდა. პროექტის ხელმძღვანელმა ანა ბენაშვილმა დატალურად გააცნო შეხვედრების მონაწილეებს პროექტის მიზნები, ამოცანები და უზარუნა მათ კითხვებს.

ანა ბენაშვილი, ლაგ-ის ხელმძღვანელი: „ევროკავშირი კვლავ აფინანსებს ადგილობრივ დონეზე იმ ინიციატივებს, რომელიც მორგებულია, როგორც ეროვნულ პროგრამებთან, ასევე ადგილობრივი განვითარების სტრატეგიებთან. განახლებადი ენერჯიდან დაკავშირებით გამოცხადებულ კონკურსში ლაგ-მა მიიღო მონაწილეობა და მოიპოვა დაფინანსება. ჩვენი პროექტი, პარტნიორი ორგანიზაციის „მწვანე რეგიონები“, ექსპერტების ჩართულობით, გეგმავს მოსახლეობის ცნობიერების ამაღლებას და განახლებადი, არანაღისეული ენერჯის წყაროების ჩანაცვლების პოპულარიზაციას რეგიონში მცხოვრები ოჯახების კომუნალური ხარჯების და გარემოზე ზემოქმედების შესამცირებელი ეკონომიკური მიდგომების გამოყენებით. გვაქვს კოორდინაცია „ლაგის“ ადგილობრივ მობილიზატორებთან, მუნიციპალიტეტის მერის წარმომადგენლებთან და საკრებულოს დეპუტატებთან. მოგეხსენებათ, რომ XXI საუკუნის მსოფლიო ენერჯეტიკა სწრაფად განიცდის ტრანსფორმაციას და უარს ამბობს ტრადიციული ენერგო რესურსების გამოყენებაზე. ეს გამოწვეულია იმითაც, რომ ტრადიციული ენერგო რესურსები (მაგ. ნავთობი, ბუნებრივი აირი, ქვანახშირი) ამონურავადია და აზიანებს საცხოვრებელ გარემოს. ამიტომ განახლებადი ენერჯების დანერგვის ხელშეწყობა ძალიან მნიშვნელოვანია. ევროკავშირთან დაახლოების პროცესში საქართველოს აქვს კონკრეტული გეგმები და განვითარების სტრატეგია CO-ს შემცირების კუთხით. მაგალიტად, დედოფლისწყაროს მუნიციპალიტეტის მერია არის ხელმომწერი დოკუმენტზე „მერების შეთანხმება ეკონომიკური განვითარებისთვის“, რაც თანხვედრაშია „პარიზის შეთანხმება“-სთან. ამ შეთანხმების მიზნები კი სრულ შესაბამისობაშია საქართველოს ეროვნული განვითარების პრიორიტეტებთან, როგორცაა ენერგოეფექტურობის ამაღლება, ენერგოსაფრთხოება და სხვა.


განახლებადი ენერჯების დანერგვის მიმართულებით მსოფლიოში ერთ-ერთი სიახლეა მზის ენერჯის გამოყენება. განახლებადი ენერჯისა და ენერგოეფექტიანობის საკითხებს განსაზღვრავს საქართველოს კანონი „ენერჯეტიკისა და წყალმომარაგების შესახებ“. განახლებადი ენერჯის ათვისების ხელშეწყობის მიზნით 2016 წელს ამ კანონში შევიდა ცვლილება, რომლითაც განისაზღვრა მიკროსიმძლავრის ელექტროსადგურის სტატუსი (საცალო მომხმარებლის მფლობელობაში არსებული განახლებადი ენერჯის წყარო) და მისი მაქსიმალური სიმძლავრე, აგრეთვე საცალო მომხმარებლის საკუთრებაში არსებული მიკროსიმძლავრის ელექტროსადგურის მიერ განაწილების ქსელში ელექტროენერჯის მიწოდების პრინციპები.

პროექტის განხორციელება დაიწყო მაისის თვიდან, ამ ხნის განმავლობაში პროექტის ხელმძღვანელი და ფინანსური მენეჯერი შეხვედრენ ექსპერტთა ჯგუფის წარმომადგენლებს, რომლებთანაც განიხილეს პროექტის დეტალები, შეთანხმეს სატრენინგო თემატიკის საკითხები კონკრეტული აუდიტორიისთვის და განსაზღვრეს ტრენინგების ჩატარების პერიოდი. საინფორმაციო შეხვედრების დასრულების შემდეგ დაიწყო ტრენინგების ციკლი და მოსახლეობა მიიღებს საჭირო ინფორმაციას ამ ინოვაციურ საკითხებთან დაკავშირებით.


პროექტის ხელმძღვანელები თვლიან, რომ პროექტის შედეგად ამაღლება დედოფლისწყაროს მოსახლეობის ცნობიერება ენერგოეფექტურობის, განახლებადი ენერგორესურსების ხელმისაწვდომობის და გამოყენების მიმართულებით, რაც გაზრდის მათ მოტივაციას ალტერნატიული ენერჯების გამოყენებაზე. ბენეფიციარ ოჯახებს შეუმცირდებათ კომუნალური ხარჯები, ქალებს და ხანდაზმულებს გაუადვილებათ შრომა, შემცირდება ზემოქმედება გარემოზე. ეს იქნება ქვეყნის ენერგოდაამოუკიდებლობისკენ სათემო დონეზე გადადგმული პირველი პატარა ნაბიჯები.

განახლებადი ენერჯია არის ენერჯია, რომელიც წარმოიქმნება განახლებადი, არანაღისეული ენერჯის წყაროებიდან, რომლებიც ივსება ადამიანის სიცოცხლის განმავლობაში. განახლებადი ენერჯის განთავსებას სოფლად აქვს შესაძლებლობა, შეამციროს სათბურის გაზების ემისიები და შეამციროს საქართველოს დამოკიდებულება წიაღისეულ საწვავსა და იმპორტირებულ ენერჯიაზე, რაც ხელს შეუწყობს მისი ენერგომომარაგების უსაფრთხოებას. სოფლის ტერიტორიებს მნიშვნელოვანი როლი აქვთ ეკოსისტემებისა და ბუნებრივი კაპიტალის შესანარჩუნებლად.

ინგა შილაშვილი



შენჯეღრა ქესპერებთან



სოფ. მირზანანი

ინფრასტრუქტურული პროექტების განხორციელება გრძელდება

დედოფლისწყაროს მუნიციპალიტეტის მერაბ ნიკოლოზ ჯანიანი მონაწილეობდა მოადგილესთან, მალხაზ მერაბიშვილთან და გამარჯვებაში მერის წარმომადგენელთან, ზვიად ზვიადაშვილთან ერთად სოფელ გამარჯვებაში კულტურის სახლის მიმდებარე ტერიტორიაზე სკვერის მოწყობის სამუშაოები დაათვალიერა.

პროექტის ფარგლებში ეწყობა დასასვენებელი პარკი, ბავშვთა გასართობი მოედანი და ატრაქციონები.

ახალი სკვერის დასრულება აგვისტოს ბოლოსთვის იგეგმება. პროექტს რეგიონული განვითარების ფონდი ადგილობრივ ხელისუფლებასთან ერთად ახორციელებს და მისი ღირებულება 205 904 ლარს შეადგენს.




სამუხის მრავალმხრივი გამოყენების კატეგორიის დასული ტერიტორია შეიქმნება

ვაშლოვანის დასული ტერიტორიებისა და აზერბაიჯანი-საქართველოს სახელმწიფო საზღვარს შორის სამუხის მრავალმხრივი გამოყენების კატეგორიის დასული ტერიტორია შეიქმნება. ინფორმაციას ამის შესახებ გარემოს დაცვისა და სოფლის მეურნეობის სამინისტრო ავრცელებს.

უწყების ცნობით, დღეს გამართულ სხდომაზე, საქართველოს მთავრობამ გარემოს დაცვისა და სოფლის მეურნეობის სამინისტროს მიერ მომზადებული კანონპროექტი „ნუგზარ ზაზანაშვილის სახელობის სამუხის მრავალმხრივი გამოყენების ტერიტორიის შექმნისა და მართვის შესახებ“ მიიღო.

კანონპროექტის თანახმად „ნუგზარ ზაზანაშვილის სახელობის სამუხის მრავალმხრივი გამოყენების ტერიტორიის შექმნისა და მართვის შესახებ“, გათვალისწინებულია საქართველოს უკიდურეს სამხრეთ-აღმოსავლეთ ნაწილში, ვაშლოვანის დასული ტერიტორიებისა და აზერბაიჯანი-საქართველოს სახელმწიფო საზღვარს შორის სამუხის მრავალმხრივი გამოყენების კატეგორიის დასული ტერიტორიის დაარსება.

„ეს იქნება პირველი სახელობითი დასული ტერიტორია საქართველოში, რომელიც ქართველი მეცნიერის, ცნობილი გარემოსდაცველის და პოეტის ნუგზარ ზაზანაშვილის სახელს უკვდავყოფს. ნუგზარ ზაზანაშვილის უშუალო ჩართულობით, ქვეყანაში



მრავალი დასული ტერიტორია შეიქმნა; მისი ზედამხედველობით, სამუხის ველზე, 2013 წლიდან, აქტიურად მიმდინარეობს ქურციკის (ჯეირანის) აღდგენის პროექტი.

საქართველოში, 1990 წლებში, ქურციკი სრულად გადაშენდა. 2013 წლიდან, საქართველოს მთავრობის ინიციატივით, გერმანიის მთავრობის ფინანსური დახმარებით, WWF-ის, დასული ტერიტორიების სააგენტოს და სხვა მრავალი სამთავრობო და არასამთავრობო ორგანიზაციების ინიციატივით, ამ სახეობის აღდგენის პროექტი დაიწყო.

დღეისათვის, სამუხის ველზე და მიმდებარე უკვე, დაახლოებით, 200 ქურციკი ბინადრობს. წელს ლიკლიკების მერვე თაობა დაიბადა. ქურციკის აზერბაიჯანიდან რეინტროდუქცია (სახეობის კვლავ დაბრუნება/აღდგენა) ითვლება ყველაზე წარმატებულ საკონსერვაციო და აღდგენის პროექტად საქართველოში. დასული ტერიტორიის შექმნა ხელს შეუწყობს ამ რეგიონში ქურციკის პოპულაციის გრძელვადიან გადარჩენას, ბიომრავალფეროვნების დაცვას, ეკოტურიზმის განვითარებას და ტრადიციული მეცხვარეობისა და საძოვრების მდგრად გამოყენებას“, - ნათქვამია გარემოსდაცვითი ინფორმაციაში.

ვაშლოვანში, არნივის კანიონზე ეკოტურისტული ინფრასტრუქტურა მოეწყო

გარემოს დაცვისა და სოფლის მეურნეობის სამინისტროს მოადგილემ, იური ნოზაძემ, დასული ტერიტორიების სააგენტოს თავმჯდომარე დავით იოსებაშვილთან ერთად, ვაშლოვანის დასულ ტერიტორიებზე, არნივის კანიონზე შესრულებული ეკოტურისტული სამუშაოები დაათვალიერა.

გარემოს დაცვისა და სოფლის მეურნეობის სამინისტროს დასული ტერიტორიების სააგენტოსა და კავკასიის რეგიონული გარემოსდაცვითი ცენტრის (REC Caucasus) ერთობლივი პროექტის ფარგლებში, არნივის ხეობაში დამატებითი ეკოტურისტული სივრცე მოეწყო შესაბამისი ინფრასტრუქტურითა და გადასასვლელი ხიდებით. 1 კილომეტრამდე სიგრძის საფეხმავლო ბილიკი კანიონის სიღრმეს მიუყვება, საიდანაც



რამდენიმე ჩანჩქერის მონახულება შესაძლებელი. არნივის კანიონის ახალ საფეხმავლო ბილიკზე, სუბტროპიკულ გარემოში მოგზაურობა ზაფხულის პერიოდში განსაკუთრებით შთამბეჭდავია.

არნივის კანიონი ულამაზესი ლანდშაფტებით გამოირჩეული ბუნების ძეგლია, რომელიც ფრინველებზე დაკვირვების მოყვარულებს განსაკუთრებულ სანახაობას სთავაზობს. აქ ბუდობს მტაცებელ ფრინველთა მრავალი სახეობა, მათ შორის ორბი, სვაფი, ფასკუნჯი. ხეობის კლდოვანი ფერდობებიდან შესაძლებელია ორბების ბუდეებისა და იმჟიათი და გადაშენების პირას მყოფი მცენარეების ნახვა, რომელიც საქართველოს ტერიტორიაზე სხვაგან არსად გვხვდება.

ერთიანი ეროვნული გამოცდების ჩატარების თარიღი ცნობილია

„ერთიანი ეროვნული გამოცდები 4 ივლისს, ქართული ენისა და ლიტერატურის გამოცდით დაიწყება“, - ამის შესახებ განათლების და მეცნიერების მინისტრის მოადგილემ ნუნუ მიცკევიჩმა ბრიფინგზე განაცხადა.

მისივე თქმით, გამოცდებზე წელს არ იქნება პირბადის ტარების აუცილებლობა. ამასთან, მინისტრის მოადგილის განმარტებით, იმ შემთხვევაში, თუ აბიტურიენტს კოვიდი დადასტურდება, მათთვის დამატებითი სესია დაინიშნება და ისინი საგამოცდო პროცესს არ ჩამოშორდებიან.

როგორც ნუნუ მიცკევიჩმა აღნიშნა, სტუდენტთა საგრანტო კონკურსში მონაწილეობის მსურველები გამოცდის ჩაბარებას 6 ივლისს შეძლებენ. 6 ივლისიდანვე ჩაერთვებიან საგამოცდო პროცესში მასწავლებლები — მასწავლებლის საგნისა და პროფესიული უნარების გამოცდებზე დარეგისტრირებულთათვის გამოცდები 25 ივლისის ჩათვლით გაგრძელდება.

„რაც შეეხება მაგისტრანტობის კანდიდატებს, მათთვის გამოცდა 26-27 ივლისს ჩატარდება. 2022 წელს გამოცდებში მონაწილეობის მსურველთა რეგისტრაციის სტატისტიკა ასეთია:

***ერთიანი ეროვნული გამოცდებისათვის დარეგისტრირდა 41 000-ზე მეტი აბიტურიენტი;**

***სტუდენტთა საგრანტო კონკურსისათვის დარეგისტრირდა 2 500-ზე მეტი სტუდენტი;**

***საერთო სამაგისტრო გამოცდისათვის დარეგისტრირდა 9 500-ზე მეტი მაგისტრანტობის მსურველი;**

***მასწავლებლის საგნისა და პროფესიული უნარების გამოცდების ჩასაბარებლად დარეგისტრირდა სულ 34 500-ზე მეტი მსურველი (საგნის გამოცდა 19 500-მდე მსურველმა აირჩია, 2 500-ზე მეტმა - უფროსი სპეციალური მასწავლებლის გამოცდა, ხოლო 12 500-ზე მეტმა - წამყვანი და მენტორი მასწავლებლის გამოცდა).**

დეტალური ინფორმაცია გამოცდის თარიღის, გამოცდაზე გამოცხადების დროისა და საგამოცდო ცენტრის მისამართის შესახებ მითითებული იქნება სპეციალურ ბარათზე, რომლის ამობეჭდვასაც გამოსაცდელები საკუთარი სარეგისტრაციო გვერდიდან ივნისის მეორე ნახევრიდან შეძლებენ“, - განაცხადა ნუნუ მიცკევიჩმა.

ამასთან, ბრიფინგზე შეფასების და გამოცდების ეროვნული ცენტრის ხელმძღვანელმა, სოფიო გორგოძემ განაცხადა, რომ წელს გაფართოებულია მესამე საგნის არჩევანი და აბიტურიენტებს ისტორიის და მათემატიკის გარდა სხვა საგნების არჩევაც შეუძლიათ.

„ეს არის ერთ-ერთი ძირითადი სიახლე წელს ერთიანი ეროვნულ გამოცდებზე. ეს საგნები აბიტურიენტებს უკვე არჩეული აქვთ“, - განაცხადა გორგოძემ.

ამასთან, მისივე განმარტებით, თუკი

აბიტურიენტს გამოცდის დღეს კოვიდი დადასტურებული ექნება, ამ შემთხვევაში მისთვის დამატებითი სესია დაინიშნება.

„ამის შესახებ დეტალურ ინფორმაციას ივლისის თვეში მოგაწვდით. გამოცდის ჩატარება დამოკიდებულია იმაზე, რამდენ აბიტურიენტს დაუდასტურდება კოვიდი და შესაბამისად დავეგეგმავთ დამატებით სესიებს“, - განაცხადა გორგოძემ.

გარდა ამისა NAEC-ის ხელმძღვანელმა გამართულ ბრიფინგზე მასწავლებელთა პროფესიული გამოცდის შესახებაც ისაუბრა და აღნიშნა, რომ წელს პედაგოგებს ორი ძირითადი სიახლე დახვდებათ.

„წელს სიახლე გახლავთ ორი ახალი გამოცდა მასწავლებლებისთვის - ერთი ეს არის, წამყვანი და მენტორი მასწავლებლის სტატუსის მოსაპოვებელი გამოცდა და აზერბაიჯანული როგორც მშობლიური ენა და სომხური, როგორც მშობლიური ენა. ორივე ტიპის გამოცდა პირველად ტარდება და მათ ამ გამოცდის საფუძველზე საშუალება ექნებათ სტატუსი აიმაღლონ“, - განაცხადა გორგოძემ.

გთავაზობთ 2022 წლის გამოცდების განრიგს:

ქართული ენა და ლიტერატურა:

- 4 ივლისი (პირველი და მეორე სესია);
- 5 ივლისი (პირველი და მეორე სესია);
- 6 ივლისი (პირველი სესია);
- 4 ივლისი (პირველი სესია) - ოსური ენა;

მათემატიკა

- 8 ივლისი (პირველი და მეორე სესია);
- უცხოური ენა:
- 11 ივლისი (პირველი და მეორე სესია) - ინგლისური ენა;
- 12 ივლისი (პირველი და მეორე სესია) - ინგლისური ენა;
- 13 ივლისი (პირველი სესია) — ინგლისური ენა;
- 13 ივლისი (მეორე სესია) - რუსული ენა;
- 13 ივლისი (მეორე სესია) - ფრანგული ენა;
- 13 ივლისი (მეორე სესია) - გერმანული ენა;

ფიზიკა

- 14 ივლისი (მეორე სესია);

ლიბერალურა

- 14 ივლისი (მეორე სესია);

ქიმია

- 15 ივლისი (მეორე სესია);
- სახვითი და გამოყენებითი ხელოვნება
- 15 ივლისი (მეორე სესია);

ისტორია:

- 18 ივლისი (პირველი და მეორე სესია);
- 19 ივლისი (პირველი სესია);

ზოგადი უნარები

- 19 ივლისი (მეორე სესია);

ბიოლოგია

- 20 ივლისი (მეორე სესია);

გეოგრაფია

- 21 ივლისი (მეორე სესია);



სამოქალაქო განათლება	მათემატიკა (საბაზო ან /და საშუალო საფეხური); სომხური ენა; 21 ივლისი (პირველი სესია) ისტორია (საბაზო ან /და საშუალო საფეხური); სახვითი და გამოყენებითი ხელოვნება;
22 ივლისი (პირველი სესია);	სპორტი;
სტუდენტთა საგრანტო კონკურსი	ფიზიკა (საბაზო ან /და საშუალო საფეხური);
6 ივლისი (მეორე სესია);	22 ივლისი (პირველი სესია)
საერთო სამაგისტრო გამოცდა	ინგლისური ენა (დანყებითი, საბაზო ან /და საშუალო საფეხური) - წერიითი ნაწილი;
26 ივლისი (პირველი და მეორე სესია)	გერმანული ენა (დანყებითი, საბაზო ან /და საშუალო საფეხური) - წერიითი ნაწილი;
- ნაკითხულის გააზრება, ანალიტიკური წერა;	ფრანგული ენა (დანყებითი, საბაზო ან /და საშუალო საფეხური) - წერიითი ნაწილი;
27 ივლისი (პირველი და მეორე სესია)	რუსული ენა (დანყებითი, საბაზო ან /და საშუალო საფეხური) - წერიითი ნაწილი;
- ლოგიკური მსჯელობა, რაოდენობრივი მსჯელობა;	ქართული, როგორც მეორე ენა (დანყებითი, საბაზო ან/და საშუალო საფეხური) - წერიითი ნაწილი;
სახვის პროფესიული უნარების უფროსი სასაბაზო განათლების განყოფილება	ინფორმაციული და საკომუნიკაციო ტექნოლოგიები - წერიითი ნაწილი;
6 ივლისი (მეორე სესია) — უფროსი სპეციალური მასწავლებლის გამოცდა;	24 ივლისი
7 ივლისი (პირველი სესია);	ინფორმაციული და საკომუნიკაციო ტექნოლოგიები - პრაქტიკული ნაწილი;
ქართული ენა და ლიტერატურა, მათემატიკა და ზოგადი განათლება (I-IV);	25 ივლისი
(დანყებითი საფეხური I-VI);	ინგლისური ენა (დანყებითი, საბაზო ან /და საშუალო საფეხური) - პრაქტიკული ნაწილი;
ქართული ენა და ლიტერატურა (დანყებითი საფეხური I-VI);	რუსული ენა (დანყებითი, საბაზო ან /და საშუალო საფეხური) - პრაქტიკული ნაწილი;
7 ივლისი (მეორე სესია);	გერმანული ენა (დანყებითი, საბაზო ან /და საშუალო საფეხური) - პრაქტიკული ნაწილი;
მათემატიკა (დანყებითი საფეხური I-VI);	ფრანგული ენა (დანყებითი, საბაზო ან /და საშუალო საფეხური) - პრაქტიკული ნაწილი;
მუსიკა;	ქართული, როგორც მეორე ენა (დანყებითი, საბაზო ან /და საშუალო საფეხური) - პრაქტიკული ნაწილი;
სამოქალაქო განათლება (საბაზო ან /და საშუალო საფეხური);	ინგლისური ენა (დანყებითი, საბაზო ან /და საშუალო საფეხური) - პრაქტიკული ნაწილი;
14 და 15 ივლისი (პირველი სესია)	რუსული ენა (დანყებითი, საბაზო ან /და საშუალო საფეხური) - პრაქტიკული ნაწილი;
წამყვანი და მენტორი მასწავლებლის მსურველთა გამოცდა პროფესიულ უნარებზე;	გერმანული ენა (დანყებითი, საბაზო ან /და საშუალო საფეხური) - პრაქტიკული ნაწილი;
14 ივლისი (მეორე სესია)	ფრანგული ენა (დანყებითი, საბაზო ან /და საშუალო საფეხური) - პრაქტიკული ნაწილი;
ბიოლოგია (საბაზო ან /და საშუალო საფეხური);	ქართული, როგორც მეორე ენა (დანყებითი, საბაზო ან /და საშუალო საფეხური) - პრაქტიკული ნაწილი;
15 ივლისი (მეორე სესია);	
გეოგრაფია (საბაზო ან /და საშუალო საფეხური);	
აზერბაიჯანული ენა;	
19 ივლისი (მეორე სესია)	
ქიმია (საბაზო ან /და საშუალო საფეხური);	
20 ივლისი (პირველი სესია)	
ქართული ენა და ლიტერატურა (საბაზო ან /და საშუალო საფეხური);	

ვარშავაში ქართული ღვინის წარდგენის ღონისძიება გაიმართა

ქართული ღვინის პოპულარიზაციისა და საექსპორტო ბაზრების დივერსიფიკაციის მიზნით, პოლონეთის დედაქალაქ ვარშავაში, ღვინის ეროვნული სააგენტოს მხარდაჭერით და სააგენტოს კონტრაქტორი მარკეტინგული კომპანიის „ვეოპე ჯე“ ორგანიზებით, ქართული ღვინის დეგუსტაცია-სემინარი გაიმართა.

დეგუსტაცია-სემინარს, რომელსაც ცნობილი ღვინის ექსპერტი, სომელიე და ღვინის სკოლის დამფუძნებელი სიმონ მილონასი (Szymon Milonas) უძღვებოდა, ადგილობრივი მედიის, კომერციული სექტორისა და პოლონეთის რესპუბლიკაში საქართველოს საელჩოს წარმომადგენლები დაესწრნენ.

ღონისძიების ფარგლებში, სტუმრებს შესაძლებლობა მიეცათ, გასცნობოდნენ ქართული სუფრის კულტურასა და ტრადიციებს. ღონისძიებაზე ქართული ღვინის მწარმოებელი 6 კომპანიის ღვინოები და ქართული სამზარეულო იყო წარმოდგენილი.

მიმდინარე წლის მანძილზე, ქართული ღვინის წარდგენა პოლონეთის სომელიეების, ღვინის დისტრიბუტორებისა და ცნობილი რესტორნების წარმომადგენლებისთვისაც გაიმართა.

პოლონეთი ქართული ღვინის ერთ-ერთ სტრატეგიულ ბაზარს წარმოადგენს, რომელმაც ქართული ღვინის ექსპორტიორი ქვეყნების ხუთეულში სტაბილურად დაიმკვიდრა ადგილი. 2021 წელს, პოლონეთში ქართული ღვინის ექსპორტმა 7 მილიონ ბოთლს გადააჭარბა, ზრდამ, 2020 წელთან შედარებით, 34%-ს მიაღწია. ექსპორტი მზარდია მიმდინარე წელსაც; იანვარ-აპრილში ექსპორტირებულია 2,4 მლნ ბოთლი, ზრდა 30%-ს აღწევს.




საქართველოში „მაიმუნის ყვავილის“ ერთ საეჭვო შემთხვევას იკვლევენ

საქართველოში, „მაიმუნის ყვავილის“ ერთ საეჭვო შემთხვევას იკვლევენ. აღნიშნულის შესახებ „ინტერპრესნიუსს“ დაავადებათა კონტროლის ეროვნული ცენტრის ხელმძღვანელმა, ამირან გამყრელიძემ განუცხადა.

მისივე თქმით, აღნიშნული შემთხვევის გარდა, დაკვირვება მიმდინარეობდა „მაიმუნის ყვავილის“ კიდევ ერთ სავარაუდო შემთხვევაზე, რა დროსაც, ინფექცია არ დადასტურდა.

„მოგესხენებათ, რომ მაისის შუა რიცხვებიდან გამონაყართ მიმდინარე დაავადებებზე ჩვენთან ზედამხედველობა გაძლიერდა. „მაიმუნის ყვავილისთვის“ ერთ-ერთი მთავარი სიმპტომი გამონაყარია.

ამ საკითხთან დაკავშირებით შესაბამისი ცირკულარი სამედიცინო დაწესებულებებს დაეგზავნათ. ცირკულარში ჩამოყალიბებული იყო რომელს უნდა დაარქვან სავარაუდო შემთხვევა, რომელს დადასტურებული და ასე შემდეგ. რა თქმა უნდა, სადაც ექიმი ჩათვლის, რომ შესაძლოა საქმე გვექონდეს სავარაუდო შემთხვევასთან, ეს მასალა უნდა გამოიგზავნოს დაავადებათა კონტროლის ცენტრში კვლევისთვის. ასეთი ერთი უკვე იყო, სადაც ჩატარდა კვლევა და უარყოფითი იყო. არის მეორე, რომელიც კვლევაშია“, -აღნიშნავს გამყრელიძე.



ევროპარლამენტი მხარს უჭერს კანდიდატის სტატუსის მინიჭებას საქართველოსთვის, უკრაინისა და მოლდოვისთვის

„პრეზიდენტთა კონფერენციის სახელით, ევროპის პარლამენტის პოლიტიკური ჯგუფების ლიდერები მიმართავენ ნევირ ქვეყნების და მთავრობების ლიდერებს, რომლებიც ორ კვირაში, ბრიუსელში შეიკრიბებიან, რათა გადაწყვეტილება მიიღონ უკრაინის, მოლდოვის და საქართველოს განაცხადებზე ევროკავშირში გაწევრიანების შესახებ. ჩვენ უნდა გამოვავლინოთ სიმამაცე, გაბედულება და ხედვა, გაურეხების პროცესში მყოფი საერთაშორისო გარემოს პირისპირ. გეოპოლიტიკური მოცემულობების ცვლილება ჩვენი მხრიდან მოქმედებას მოითხოვს. ამით ვუერთგულვით ჩვენს პრინციპებსა და ღირებულებებს. უკრაინელები, რომელთა სამშობლოც სასტიკი თავდასხმის ქვეშაა — თუმცა მოლდაველები და ქართველებიც, რომლებიც უფრო ნათელი მომავლისკენ მიიღწვიან — ელიან სიგნალს, რომ მათი ადგილი ევროპულ ოჯახშია. ამიტომაც, ეს პალატა მძლავრად მოგიწოდებთ მისცეთ უკრაინას, მოლდოვის რესპუბლიკას და საქართველოს ევროკავშირის კანდიდატის სტატუსი, ევროკავშირის ხელშეკრულების 49-ე მუხლის და [მათი] მიღწევების გათვალისწინებით“.



წარმოდგენილი ტექსტი არის ერთობლივი განცხადების პროექტი და ის კვლავ შეიძლება დაექვემდებაროს ცვლილებებს, თუმცა, როგორც ევროკავშირის საქმეებში რადიო თავისუფლების კორესპონდენტი გვატყობინებს, მთავარი საკითხები, მათ შორის კანდიდატის სტატუსის მინიჭების მოთხოვნა, ტექსტში დარჩება. გასათვალისწინებელია, რომ პოლიტიკური ჯგუფების ლიდერების გაერთიანება არ მონაწილეობს კანდიდატი ქვეყნის სტატუსის მინიჭების პროცესში და მათი მხარდაჭერა, მხოლოდ მონოდებაა ევროკომისიისადმი მიიღოს შესაბამისი გადაწყვეტილება.

მაისის თვეში ქუთაისის საერთაშორისო აეროპორტში მგზავრობის და რეისების რაოდენობა აღდგა

ქუთაისის საერთაშორისო აეროპორტში საჰაერო მიმოსვლის დადებითი დინამიკა კვლავ წარჩუნდება. ინფორმაციას ამის შესახებ საქართველოს აეროპორტების გაერთიანება ავრცელებს.

მათივე ცნობით, მიმდინარე წლის მაისის თვეში, 2019 წლის ანალოგიურ პერიოდთან შედარებით, დავით აღმაშენებლის სახელობის აეროპორტში მგზავრობის 111% აღდგა. 2022 წლის მაისში, ქუთაისის საერთაშორისო აეროპორტი 72 104 მგზავრს მოემსახურა. (2019 წლის მაისი 64 745 მგზავრი).

მგზავრობის გარდა, ქუთაისის საერთაშორისო აეროპორტში დადებითი დინამიკა ავიარეისების რაოდენობის აღდგენის კუთხითაც.

მაისში, აეროპორტში რეისების 115% აღდგა და 241 რეისს მოემსახურა. (2019 წლის მაისი - 210 რეისი).

საქართველოს აეროპორტების გაერთიანების ინფორმაციით, ამ ეტაპისთვის, ქუთაისის საერთაშორისო აეროპორტში 5 ავიაკომპანია 14 ქვეყნის 25 მიმართულებით ოპერირებს.



რუსეთის მხრიდან დაპირების შედეგად ათობით მშვიდობიანი მოქალაქე დაიღუპა და დაზარადა

უკრაინის დნეპროპეტროვსკის ოლქის სამხედრო ადმინისტრაციის ხელმძღვანელი, ვალენტინ რეზნიჩენკო აცხადებს, რომ ქალაქი კრივი-რიჰი, რომელიც ქვეყნის ცენტრალურ ნაწილში მდებარეობს, რუსული ძალების მხრიდან მუდმივი ცეცხლის ქვეშაა.

„ზელენოდოლსკი და შიროკივი ყველაზე მეტად ზარალდებიან. სამწუხაროდ, იქ ექვსი ადამიანი დაიღუპა, დაინგრა ან დაზიანდა - 179 სახლი, 2 სკოლა, საბავშვო ბაღი და საავადმყოფო, - განაცხადა რეზნიჩენკომ.

მისი თქმით, კრივი-რიჰის სოფლები და ქალაქები „დაბომბვის გამო კასეტური ბომბებითაა სავსე“ და იქ გაზის, ელექტროენერჯისა და წყლის მიწოდების პრობლემაა.


ამასთან, ხარკოვის ოლქის რეგიონის სამხედრო ადმინისტრაციის ხელმძღვანელის, ოლეგ სინეგუბოვის ინფორმაციით, რუსეთის მხრიდან განხორციელებული თავდასხმების შედეგად 5 ადამიანი დაიღუპა, 14 კი დაზარადა.

ღრმა მწუხარებას გამოვთქვამთ დიდი ქართველი რეჟისორის, შოთა რუსთაველის, კოტე მარჯანიშვილის, მიხეილ თუმანიშვილის სახელობის სახელმწიფო პრემიის და საქართველოს თეატრალური პრემიის „ოქროს ნილაზი“ ორგანიზაციის მფლობელის ბატონი,

თამარ ჩხეიძის

გარდაცვალების გამო. ამ მიმე წუთებში სამძიმარსა და თანაგრძნობას ვუცხადებთ მის უსაყვარლეს მეუღლეს ნანა ჩიქვინიძეს, ოჯახის წევრებსა და ახლობლებს.

დედოფლისწყაროს მირია, საპრეზული, მწიგნობართა ასოციაცია და გაზეთი „შირაქი“ რედაქცია.



ყურადღება!

სსიპ კოლეჯი „აისი“/Gollege Aisi

ასსადას მიღებას

2022-2023 სასწავლო წლისათვის

სსიპ კოლეჯი „აისი“-ს დედოფლისწყაროს ფილიალში მიმდინარეობს რეგისტრაცია მიმდინარე წლის 20 აგვისტოს ჩათვლით, შემდეგ პროფესიულ საგანმანათლებლო პროგრამებზე:

ინჟინერიის მიმართულება:

- 1. ელექტრობა - III დონე (სწავლის ხანგრძლივობა 9,5 თვე)
- 2. ქვის სამუშაოების წარმოება - III დონე(სწავლის ხანგრძლივობა 11 თვე)

ხალხთა მისამართულება:

- 1. თმისა და სილამაზის მომსახურება-III დონე(სწავლის ხანგრძლივობა 10,5 თვე)
- 2. თქვის დამზადება - III დონე(სწავლის ხანგრძლივობა 13,5 თვე)

ბიზნეს ადმინისტრირების მიმართულება

1. ბულალტრული აღრიცხვა-V დონე(სწავლის ხანგრძლივობა 18 თვე)
 V დონის პროფესიულ საგანმანათლებლო პროგრამაზე რეგისტრაციისა და სწავლის დაწყებისთვის აუცილებელია, პირს ჰქონდეს სრული ზოგადი განათლება.
ჩარიცხვა ხდება გასაუბრების საფუძველზე კონკურსის წესით. სწავლა სრულად ფინანსდება სახელმწიფოს მიერ.

სწავლის მსარეველება უნდა წარმოადგინონ შემდეგი საბუთები:

- 1. 2 ცალი ფოტოსურათი/ზომით 3/4
- 2. პირადობის მოწმობის ასლი

- 3. განათლების მოწმობის ასლი
- 4. განცხადება/ადგილზე შევსებით

საბუთების მიღება დაიწყო!
იჩაქართ!

დანერვილებითი ინფორმაციისთვის გთხოვთ მიმართოთ კოლეჯში შემდეგ მისამართზე:

ძ. დედოფლისწყარო, სოფ. სამრეკლო (სოფ. ჯაფარიძე)

ტელ: 577 557 159 ; 577 962 967



კონცერტი დედოფლისწყაროს ხელოვნების სკოლაში



7 ივნისს დედოფლისწყაროს ხელოვნების სკოლაში ბავშვთა დაცვის დღისადმი მიძღვნილი კონცერტი და კომპოზიტორ ირაკლი კიკილაშვილის ხსოვნისადმი მიძღვნილი საღამო ერთობლივად გაიმართა.

კონცერტის დაწყებამდე სამუსიკო სკოლის ვესტიბულში მოეწყო სამხატვრო განყოფილების მოსწავლეთა ნამუშევრების გამოფენა და მონვეული სტუმრები შთაბეჭდილებებით აღვსავსენი შევიდნენ კლასიკური მუსიკის კონცერტზე.

შესავალ სიტყვაში ლუკა და ანანო კიდევ ერთხელ შეახსენეს დამსწრე საზოგადოებას და თანატოლებს, რაოდენ მნიშვნელოვანია დღეს მსოფლიოში ბავშვთა დაცვა და უსაფრთხოება, ყველაზე მეტად კი ომის საშიშროებისგან დაცვა. მოსწავლეებმა: კესარია გოგაშვილმა, ლიზი სანამიანმა, სალომე ტუსაშვილმა, ნიკოლოზ ლევაშვილმა, თამარ არაბულმა, თეკლა ნიკლაურმა, ლუკა ყაჭაშიძემ, თამარ ჩუთლაშვილმა, ლალა ჩოფიკაშვილმა, მარიამ ხუციანიძემ, ნინო ნატროშვილმა და ნიკოლოზ პაპაშვილმა ამ დღეს უამრავი კლასიკოსის ნაწარმოები შეასრულეს და კიდევ ერთხელ წარმოაჩინეს მათი პედაგოგების დიდი შრომის შედეგი მაყურებლის ოვალების ფონზე.

კონცერტის მეორე ნაწილი კი მთლიანად მიეძღვნა კომპოზიტორ ირაკლი კიკილაშვილის ხსოვნას. შესრულდა მისი, როგორც საფორტეპიანო, ასევე სავიოლინო ნაწარმოებები. იგი კოლეგებმა გაიხსენეს უთბილესი სიტყვებით. ირაკლი კიკილაშვილის ორი ნაწარმოები ვიოლინოზე შეასრულა მისმა შვილმა და ვიოლინოს პედაგოგმა - თამარ კიკილაშვილმა. საღამომ ძალიან ამაღლებული განწყობა დატოვა მაყურებელში. დასასრულს მუნიციპალიტეტის მერმა ნიკოლოზ ჯანაშიაშვილმა უფროსმა თამარ თამაზაშვილმა სცენაზე დასკვნითი სიტყვები თქვეს და აღტაცება ვერ დაფარეს აკადემიური კონცერტის ასეთ მაღალ დონეზე შესრულების გამო, მათ მაღლობა გადაუხადეს მონაწილე ბავშვებს, მათ მშობლებს მხარდაჭერისთვის, ხოლო სკოლის პედაგოგებს: დირექტორს-**დალი ელისაშვილს**, კოორდინატორს-**მარიამ კიკილაშვილს**, სამუსიკო განყოფილების უფროსს-**ლია ხაჩიაშვილს**, სამხატვრო განყოფილების უფროსს - **აკაკი მერაბიშვილს**, ვიოლინოს პედაგოგს-**თამარ კიკილაშვილს**, პედაგოგებს-**დალი ხუციშვილს**, ნინო ალადაშვილს და მარიკა მგელიაშვილს მრავალი წლის მანძილზე გაწეული დიდი შრომისთვის მაღლობის სიგელები გადასცეს.

მომავლად ელზა ხარაშვილმა

ულოცავენ!

ვიოლბა დაპტიანს!

გილოცავთ დაბადებიდან 70 წლის იუბილეს. სიკეთისა და სიყვარულის გზით ცხოვრობთ და დიდხანს, დიდხანს იცხოვრეთ ასე. ულამაზესი ცხოვრების წლებს გისურვებთ საყვარელ ოჯახთან ერთად. კვლავაც ასეთი დაუღალავი ენერჯით ემსახურეთ მომავალი თაობის აღზრდას. გვახსოვხართ, გვიყვარხართ!

პატივისცემით,
ცაშრო იამოზიშვილი.

უანი ზურაშვილს!



ჩვენთვის ძვირფასო ადამიანო, გილოცავთ დაბადების 82 წლისთავს. იყავი ჯანმრთელი და ბედნიერი. გაიხარე ჩვენი სიხარულით! შენ მთელი ცხოვრება ყველა ჩვენგანზე ზრუნვაში გადი, რისთვისაც დიდ მაღლობას გიხდით. იცოცხლე დიდხანს ჩვენს საიმედოდ და სანუგეშოდ. უფალი გფარავდეს!

სიყვარულით და პატივისცემით,
და ლუიზა ზურაშვილი, ლისპილიაშვილი: თამაზი, ზურა, ნელი ძეძაძეაძე ოჯახებით, ლისპილიაშვილები: ვასიკო ჯაფარიძე-ვილი ოჯახით, ნია, მარი და ბარბარე ტუსაშვილები, სიძეები: ცუცუა ტუსაშვილი, გიორგი მარტყოფილი, გიორგი ხაჭაძე, სათნოების სახლის დაძალები, მემოზაშვილი, ევლოშვილის ქუჩის მეზობლები.

ბიბლიოთეკის ერთგული სტუმრები!

წიგნთან გაუცხოება ახალი ამბავი არაა. დღეს, მეგობრის დაბადების დღეზე მისულ ახალგაზრდებს, სუფრასთან ერთმანეთთან კომუნიკაციის ნაცვლად კვლავ მობილური ტელეფონებით ხელში მსხდომი და „მოწათავით“ ვხედავთ... ეს ოცდამეერთე საუკუნის რეალობაა.

განსხვავებულ სიტუაციას შევხვდნარ სოფელ მირზახანში. ბიბლიოთეკის ეზოში წიგნით ხელში მდგომ ბიბლიოთეკარს შორენა ნიკლაურს ბავშვები ინტერესით უსმენდნენ. ცოტა ხანში მათ სხვა ბავშვებზე შემოურთდნენ, ისინი, ვისაც გაცემით დამოუკიდებელი შევითქვე, ისინი ხშირად სტუმრობენ ბიბლიოთეკას და წიგნებსაც საჯაროდ კითხულობენ, შემდეგ მათ განხილვასაც აწყობენ. 1 ივნისს ამ ეზოში ბავშვთა დაცვის დღე სხვადასხვა აქტივობით აღნიშნეს, მათ შორის მხატვრულად ნაიკითხეს ცნობილი პოეტების ლექსები.



წიგნთან სიახლოვე ბავშვების თვალსაჩინო გაფართოებისთვის და მსოფლმხედველობის ჩამოყალიბებისთვის მნიშვნელოვანია, მაგრამ ის ძალიან იშვიათი გახდა. მირზახანის ბიბლიოთეკის ეზო ის ოაზისი აღმოჩნდა, რომელიც წიგნთან გაუცხოების დასასრულის იმედს გიბრუნებს.

იყიდება!

იყიდება ფუტკარი, სკები, სკის სადგამები, ფუქსი, მავთული (უხმარი), პირბადე, ფიჭის ამოსაღები, დეზი, ასტამი და ა.შ.
დამატებითი ინფორმაციისთვის დაუკავშირდით ტელ: 571 08 47 75

ამინდი



გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილში მოყვანილ ფაქტებსა და ციფრებს პასუხს ავებს ავტორი.	სარედაქციო კოლეგია: შუშუნა ყანაშვილი (ჟურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა პოსტაშვილი (ბულალტერი); ნინაზი ჯანაშვილი (ოფის-მენეჯერი); მზინა ძეძაძე (საქმის მწარმოებელი). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.	რედაქციის მისამართია: ქალაქი დედოფლისწყარო, ფიროსმანის №18, ტელ. 0 356 22 22-85; 598 72-18-72 (დირექტორი) 591 09-24-65 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
--	--	--	---